

CD mas bunita di temporada aki

Lagando afo e CD nan cu tin graba caba di e diferente gruponan di gaita pa temporada di Pasco, e Cd cu mi ta haya ta esun mas bunita e tempo aki ta **"Canticanan di Aurora" di Julia Wever**.

Un total di 10 Cantica di Aurora cu a pasa di siglo a siglo cu Julia ta

canta den su forma original cu nos a conoce ultimo decenas di aña, canta anualmente den misa.

Muica precioso toca pa Robert Thiel riba sequencer compaña ando e cantante Asina



scucha e prome cancion **"Ay Dios Eterno corda nos"** bo ta sinti cu bo tin cu sigui scucha e otronan y habiendo caminda pa Señor, nos ta haya e dos cancion **"Cantica di Huan Bautista"** cu su ritmo di wals lento.

Julia cu ta conoci pa su cantamento den misa ta sigui cu **"Cantica di Combercion"** y atrobe e compaña musical plazeramente ta resona cu e cantica aki.

E canticanan di Aurora ta canticanan cu nos grandinan y nos mes semper a canta pero nunca tabata tin grabacion di nan pa por toca, scucha y canta na cas.

E di cuatro cantica ta cuminsa cu **"bini Señor bin salba nos alma"** cu ritmo di danza, y bo sa mes ora cu ta trata di e cantica **"Bao di man**

di Dios".

Seguidamente ta haya como di cinco cantica, **"Cantica di e Mesias priminti"**.

E variedad di ritmonan pa cada un di e cancion aki, a yuda sigur pa e CD aki bira un di e CD nan mas bendi di ultimo tempo y cu a bende completo di manera cu ta via encargo ta haye actualmente via Jr Studio & Design na 592-0734.

Un bunita ritmo di wals sigur ta cu e cancion **"Dia Cristo bini"** indicando cu **"mundo lo grita di alegria dia cu Cristo bini"**.

Cancionnan cu durante Misa di Aurora ta ser canta anualmente y cu awor por canta libremente na voz halto despues di a toca y canta esakinan tanto biaha na cas.

Ora cu musica cuminsa cu e di 7 cancion, si bo conoce e cancionnan bo ta cuminsa canta caba **"Hose cu La Virgen den stad di Belen"** ta busca un casita pa nan sconde aden. Cansa nan ta cana den caya sin luz pidiendo, buscando un cas pa Hesus. Tur porta ta cera, tur alma mescos....etc.

E di ocho cancion ta na spaño y esey ta e cantica **"Muy pronto veremos"** cu hopi di nos conoce como cantica clasico di Aurora. Esaki a resulta tambe e cancion mas largo riba e CD pa e cantidad di coupletanan cu e tin.

E ultimo dos canticanan riba e CD ta e cantica fama cu casi tur hende conoce y gusta masha hopi. Esey ta **"Grandi bo ta"** y tambe **"Ave Maria"** cu cual e ta cera.

Precioso ta e acompañamento musical cu **"Grandi bo ta"** y e fervor di Julia cantando e cancion aki cu un dominio bunita di voz.

Bunita ta con a usa e antiguo **"Misa di pueblo di Dios"** riba portada di e CD aki hunto cu un foto di Julia cantando.

E parti di coro den e cancionnan ta di e integrantenan di e conocido grupo Granatappel. Hunto cu e integrantenan aki, pronto Julia lo biaha pa Bonaire pa presenta den december riba peticion.

Dia 5 di december por goza di presentacion di **Julia Wever** cu Granatappel den e actividad cu **"Moments of praise"** di Corsow cu ta conoci pa e cancion **"Shine your light"** y **"plegaria"**. Esaki lo ta den Cas di Cultura.

Un CD cu mi ta recomenda pa portin na cas y sigur ta cu lo goza cada minuut di dje y cu repeticion. Un pabien ta na su lugar pa **Julia Wever** cu e preciosidad aki y pa **Robert Thiel** pa e trabao fabuloso riba sequencer.

Juby Naar.